



**СОНГИНОХАЙРХАН ДҮҮРГИЙН  
ИРГЭДИЙН ТӨЛӨӨЛӨГЧДИЙН ХУРЛЫН  
ХУРАЛДААНЫ ТЭМДЭГЛЭЛ**

2019 оны 11 сарын 13 өдөр

Дугаар 15

Улаанбаатар хот

**ДҮҮРГИЙН ИРГЭДИЙН ТӨЛӨӨЛӨГЧДИЙН  
ХУРЛЫН ТЭРГҮҮЛЭГЧДИЙН 2019 ОНЫ 11 ДҮГЭЭР САРЫН 13-НЫ  
ӨДРИЙН ХУРАЛДААНЫ ТЭМДЭГЛЭЛИЙН ХЭСГЭЭС:**

Дүүргийн иргэдийн Төлөөлөгчдийн Хурлын Тэргүүлэгчдийн 2019 оны 11 дугаар сарын 13-ны өдрийн ээлжит 15 дугаар хуралдааны тэмдэглэлд:

**ХЭЛЭЛЦСЭН нь:**

“Хамтдаа шийдье” уулзалт, “Иргэдээ сонсьё” аяны хүрээнд иргэдээс ирүүлсэн санал хүсэлтийн мөрөөр зохион байгуулсан арга хэмжээ.

**СОНССОН нь:**

Хурлын дарга Б. Мөнхцэцэг: “Хамтдаа шийдье” уулзалт, “Иргэдээ сонсьё” аяны хүрээнд зохион байгуулсан арга хэмжээний тайланг тус тус хэлэлцлээ. Дээрх арга хэмжээнүүдийн үед иргэдээс ирүүлсэн санал хүсэлтийн шийдвэрлэлтийг хороо тус бүрт хүргүүлэн ажиллах, түүнчлэн иргэдэд хүргэж буй төрийн үйлчилгээндээ илүү үр дүн гарган ажиллах, хэлтэс, албадын дарга нар хурал зөвлөгөөндөө тогтмол оролцох, үүрэг даалгаврын хэрэгжилт хангалтгүй тохиолдолд хариуцлага тооцож байх санал гарав.

**ШИЙДВЭРЛЭСЭН нь:**

“Хамтдаа шийдье” уулзалт, “Иргэдээ сонсьё” аяны хүрээнд зохион байгуулсан арга хэмжээний тайланг хэлэлцээд дараах үүргийг өгөв. Үүнд:

Дүүргийн Засаг дарга Ж.Сандагсүрэнд:

- Улсын Их Хурал, Нийслэл, дүүргийн Иргэдийн Төлөөлөгчдийн Хурлын Төлөөлөгчид, Нутгийн өөрөө удирдах ёсны болон Захиргааны байгууллагаас иргэдтэй уулзсан уулзалтын явцад иргэдээс гаргасан санал, хүсэлтийг харьяа байгууллагууд шийдвэрлэсэн байдлыг хянаж, дээрх хуралдаануудад оролцоогүй хэлтэс, албадын удирдлагад хариуцлага тооцох.

Дүүргийн Засаг даргын эрхлэх асуудлын хүрээний байгууллагуудын Хэлтэс,  
албадын дарга нарт:

- Төрийн үйлчилгээг иргэдэд шуурхай үзүүлэх, төрийн байгууллагуудын ажлын уялдаа холбоог хангах, хийж хэрэгжүүлсэн ажлыг иргэдэд сурталчлах ажлыг эрчимжүүлэх
- Иргэдээс гаргасан санал хүсэлтийг шийдвэрлэсэн талаарх хариуг иргэнд хүргэх, хорооны удирдлагад мэдэгдэх

Хороодын Засаг дарга нарт:

- Улсын Их Хурал, Нийслэл, дүүргийн Иргэдийн Төлөөлөгчдийн Хурлын Төлөөлөгчид, Нутгийн өөрөө удирдах ёсны болон Захиргааны байгууллагаас хийж хэрэгжүүлсэн ажлыг иргэдэд сурталчлах таниулах ажлыг зохион байгуулах
- Тухайн хорооны иргэдийн Нийтийн Хурал, Тэргүүлэгчдийн тогтоол шийдвэрийн биелэлтийг хангаж ажиллах



ДАРГА

Б.МӨНХЦЭЦЭГ